



Grad Sarajevo
City of Sarajevo

Broj: 01-08-Gp-54-4/22
Sarajevo, 10.10.2022. godine

GRAD SARAJEVO
GRADSKO VIJEĆE
n/r gospodina Jasmin Ademović

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

PRAVOBRANILAŠTVO

Bosna i Hercegovina-Federacija Bosne i Hercegovine
Kanton Sarajevo - SARAJEVO

PRIMLJENO: 10 OCT 2022	
Org. jed.	Broj
01-08-02	1094-30/21

PREDMET: Odgovor na vijećničko pitanje
Veza – Vaš dopis br. 01-GV-02-1094-3 od dana 29.06.2022.

Poštovani gospodine Ademović,

Dana 20.07.2022. godine Pravobranilaštvu Grada Sarajevo je dostavljen Vaš dopis broj gornji sa vijećničkim pitanjem gradske vijećnice Danijele Šahat koje glasi:

"Da li je Pravobranilaštvo pokrenulo postupak povrata novca od BIME?"

U pogledu predmetne inicijative gradske vijećnice Danijele Šahat, Pravobranilaštvo Grada Sarajeva se izjasnilo dopisom od dana 22.08.2022. godine u kojem je navedeno da je Udruženju BIMA upućena opomena pred tužbu.

Također, dana 06.09.2022. godine Pravobranilaštvo Grada Sarajeva je Udruženju BIMA uputilo obavijest o raskidu zaključenih Ugovora o realizaciji odobrenih sredstava iz Budžeta Grada Sarajeva za 2017., 2020. i 2021. godinu sa pozivom za povrat isplaćenih sredstava u roku od 8 dana.

Nadalje Vas obavještavamo da, budući da Udruženje BIMA u ostavljenom roku nije postupilo u skladu sa pozivom Pravobranilaštva Grada Sarajeva, isto je dana 04.10.2022. godine pred nadležnim Općinskim sudom u Sarajevu pokrenulo parnični postupak podnošenjem tužbe protiv Udruženja BIMA, a sve radi raskida zaključenih Ugovora o realizaciji odobrenih sredstava iz budžeta Grada Sarajeva za 2017., 2020. i 2021. godinu i povrata isplaćenih sredstava u ukupom iznosu od 30.000,00 KM, a koja nisu namjenski utrošena i u tom smislu opravdana.

DOKAZ: - Obavijest o raskidu Ugovora/poziv za povrat sredstava isplaćenih iz Budžeta Grada Sarajeva br. 01-08-Pr-52-1/22 od 06.09.2022. godine
- Tužba br. 01-08-P-6/22 od dana 04.10.2022. godine sa potvrdom prijema dokumnta Općinskog suda u Sarajevu od dana 04.10.2022. godine.

PRAVOBRANILAC GRADA SARAJEVA

DOSTAVITI:

- Naslovu,
- U spis.

Adresa: Hamdije Kreševljakovića 3
71000 Sarajevo, BiH
Tel: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Admir Jusufbegović





Grad Sarajevo
City of Sarajevo

Sarajevo, 06.09.2022. godine
Broj: 01-08-Pr-52-1/22

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

PRAVOBRANILAŠTVO

MEDICINSKA ASOCIJACIJA BIMA
u Bosni i Hercegovini
Bakarevića br. 4
71000 Sarajevo

PREDMET: Obavijest o raskidu ugovora
Poziv za povrat sredstava isplaćenih iz Budžeta Grada Sarajevo

Poštovani,

Pravobranilaštvo Grada Sarajevo kao zakonski zastupnik Grada Sarajevo Vam se obraća da predmetnim dopisom.

U skladu sa Vašim zahtjevima i molbama, u toku 2017. i 2020 i 2021. godine iz budžeta Grada Sarajevo Vašem pravnom licu su dodijeljena novčana sredstva u iznosima od po 10.000,00 KM.

U pogledu navedenog su zaključeni ugovori, i to Ugovor o realizaciji odobrenih sredstava iz Budžeta Grada Sarajevo za 2017. godinu i Ugovor o realizaciji odobrenih sredstava iz Budžeta Grada Sarajevo za 2020. godinu i Ugovor o realizaciji odobrenih sredstava iz Budžeta Grada Sarajevo za 2021. godinu.

Temeljem zaključenih ugovora Vašem pravnom licu su dodijeljena novčana sredstva u ukupnom iznosu od 30.000,00 KM.

Predmetnim Ugovorima je definisano da se sredstva odobravaju u svrhu Apliciranja prema međunarodnom fondu zdravlja.

Odbredbama zaključenih Ugovora je propisano da primalac dodijeljena sredstava mora utrošiti namjenski, kao i da Grad Sarajavo ima pravo na povrat odobrenih sredstava ukoliko se utvrdi da ista nisu namjenski utrošena.

DOKAZ: - Ugovor o realizaciji odobrenih sredstava iz Budžeta Grada Sarajevo za 2017. godinu
- Ugovor o realizaciji odobrenih sredstava iz Budžeta Grada Sarajevo za 2020. godinu
- Ugovor o realizaciji odobrenih sredstava iz Budžeta Grada Sarajevo za 2021. godinu

Prilikom vršenja inspeksijskog nadzora u Gradu Sarajevu - kontrola poslovanja u Gradu Sarajevu za period od 2017. - 2021. godine, budžetski inspektor u svom Zapisniku utvrđuje da sredstva koja su dodijeljena Vašem pravnom licu u toku 2017. i 2020. godine nisu namjenski utrošena.

DOKAZ: - Izvod iz Zapisnika budžetskog inspektora od 19.01.2022. godine (str. 1, 29, 30, 31)

Adresa: Hamdije Kreševljakovića 3
71000 Sarajevo, BiH
Tel: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Također, uvidom u Vaš Izvještaj o realizaciji sredstava iz 2021. godine od 03.12.2021. godine je nesporno da odobrena sredstva nisu namjenski utrošena, već su prema izvještaju ista iskorištena za nabavku lijekova, materijalne troškove, rentanje kombija, održavanje domene, režijske troškove, zakup prostora i slično.

Obzirom na niste ispunili ugovornu obavezu namjenskog utroška dodijeljenih budžetskih sredstava, to Vas obavještavamo da ovim dopisom zaključene Ugovore; i to:

- Ugovor o realizaciji odobrenih sredstava iz Budžeta Grada Sarajeva za 2017. godinu,
 - Ugovor o realizaciji odobrenih sredstava iz Budžeta Grada Sarajeva za 2020. godinu,
 - Ugovor o realizaciji odobrenih sredstava iz Budžeta Grada Sarajeva za 2021. godinu,
- raskidamo sa današnjim danom - 06.09.2022.godine.

Obzirom na navedeno, ovim putem Vas pozivamo da u roku od **8 (osam) dana** od dana prijema ove opomene, u cijelosti izvršite povrat dodijeljenih sredstava od strana Grada Sarajeva u toku 2017. i 2020. i 2021. godinu u ukupnom iznosu od **30.000,00 KM**.

Napominjemo da bi ispunjenje obaveze u ostavljenom roku stvorilo uslove za ponovnu podršku Grada Sarajeva Vašem pravnom licu, osnažilo bi našu saradnju, te u svakom slučaju bi značilo mirno rješenje otvorenih pitanja u međusobnom odnosu kao i prevenciju spora te dodatnih izdataka u smislu sporednih potraživanja.

U protivnom, u skladu sa obavezom pravne zaštite imovine i imovinskih interesa Grada Sarajeva, Pravobranilaštvo Grada Sarajeva će biti primorano pokrenuti postupak pred nadležnim sudom u cilju naplate predmetnog potraživanja, a što bi Vam prouzrokovalo dodatne i nepotrebne troškove u vidu zakonskih zateznih kamata i troškova sudskog postupka.

U očekivanju Vašeg postupanja sukladno prednjim navodima, kao da ćete i sa pažnjom dobrog privrednika pristupiti racionalnom rješenju otvorenih pitanja, primite izraze našeg poštovanja.

DOSTAVITI:

1. Naslovu,

2) U spis.

PRAVOBRANILAC GRADA SARAJEVA

Admir Jusufbegović



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Sarajevo, 04.10.2022. godine
Broj: 01-08-P-6/22

TUŽITELJ: GRAD SARAJEVO

Hamdije Kreševljakovića br. 3, 71000 Sarajevo,
koga zastupa zakonski zastupnik, Pravobranilaštvo Grada Sarajevo,
Hamdije Kreševljakovića br. 3, 71000 Sarajevo

TUŽENI: Udruženje građana Medicinska asocijacija BIMA u Bosni i Hercegovini

Bakarevića br. 4, 71000 Sarajevo
koga zastupa Hasan Mrkonja, predsjednik Udruženja

RADI: naknade štete
vsp. 30.000,00 KM

T U Ž B A

Nadležnost suda temelji se na članu 28. Zakona parničnom postupku F BiH, kao i na odredbama člana 9. zaključenog Ugovora između tužitelja i tuženog, dok se pravni osnov temelji na odredbama Zakona o obligacionim odnosima.

Tužitelj i tuženi su zaključili tri ugovora o realizaciji odobrenih sredstava iz Budžeta Grada Sarajeva, i to Ugovor o realizaciji odobrenih sredstava iz Budžeta Grada Sarajeva za 2017. godinu, Ugovor o realizaciji o odobrenih sredstava iz Budžeta Grada Sarajeva za 2020. godinu i Ugovor o realizaciji o odobrenih sredstava iz Budžeta Grada Sarajeva za 2021. godinu.

Temeljem zaključenih Ugovora tužitelj je tuženom isplatio ukupan iznos od 30.000,00 KM, a sve sa namjenom apliciranja tuženog prema međunarodnom fondu za zdravlje.

DOKAZ: - Ugovor o realizaciji odobrenih sredstava iz Budžeta Grada Sarajeva za 2017. godinu
- Ugovor o realizaciji odobrenih sredstava iz Budžeta Grada Sarajeva za 2020. godinu
- Ugovor o realizaciji odobrenih sredstava iz Budžeta Grada Sarajeva za 2021. godinu
- Izvod za komitenta br. 212 od dana 26.10.2017. godine
- Izvod za komitenta br. 14 od dana 21.01.2021. godine
- Izvod za komitenta br. 60 od dana 26.03.2021. godine

Odredbama člana 7. Ugovora o realizaciji odobrenih sredstava iz Budžeta Grada Sarajeva za 2017. godinu, kao i odredbama člana 6. Ugovora o realizaciji odobrenih sredstava iz Budžeta Grada Sarajeva za 2020. godinu i 2021. godinu je propisano da davalac sredstava - Grad Sarajevo zadržava pravo da zahtjeva povrat odobrenih sredstava ukoliko se utvrdi da ista nisu namjenski utrošena.

Dana 19.01.2022. godine povodom izvršene kontrole poslovanja u Gradu Sarajevu za period od 2017. – 2021. godine, Budžetski inspektorat Ministarstva finansija Kantona Sarajevo je sačinio Zapisnik o navedenom.

U navedenom Zapisniku budžetski inspektor utvrđuje da u pogledu zaključenog Ugovora o realizaciji odobrenih sredstava iz Budžeta Grada Sarajeva za 2017. godinu, isplaćena sredstva nisu utrošena u skladu sa namjenom traženih sredstava. Identično je utvrđenje budžetskog inspektora u pogledu zaključenog Ugovora o realizaciji odobrenih sredstava iz Budžeta Grada Sarajeva za 2020. godinu.

Nadalje, uvidom u dostavljeni Izvještaj tuženog u pogledu realizacije sredstava iz 2017. godine od dana 25.11.2018. godine, nesporno se može utvrditi da odobrena sredstva nisu namjenski utrošena (apliciranje prema Međunarodnom fondu za zdravlje), već su ista utrošena za lijekove za pacijente i papa briseve za pacijente.

Iz Izvještaja tuženog o realizaciji sredstava iz 2020. godine od 15.03.2021. godine je nesporno da niti odobrena sredstva za 2020. godinu nisu namjenski utrošena, već su prema izvještaju tuženog iskorištena za plaćanje režijskih troškova, zakupa, osiguranje objekta, održavanje web stranice, web i digitalnu marketing podršku i slično.

Iz izvještaja tuženog o realizaciji sredstava iz 2021. godine od 03.12.2021. godine je nesporno da odobrena sredstva nisu namjenski utrošena, već su prema izvještaju tuženog ista iskorištena za nabavku lijekova, materijalna troškove, rentanje kombija, održavanje domene, režijske troškove, zakup prostora i slično.

Također, Služba za lokalno poslovanje Gradske uprave Grada Sarajeva je svojim dopisom od dana 13.01.2022. godine obavijestila Gradonačelnicu Grada Sarajeva da sredstva za 2021. godinu nisu namjenski utrošena, te predlaže pokretanje aktivnosti radi povrata istih.

DOKAZ: - Zapisnik Budžetskog inspektorata Ministarstva finansija Kantona Sarajevo br. 08-01-06-11-16108/21 od dana 19.01.2022. godine (izvod iz Zapisnika)
- Izvještaj o realizaciji sredstava iz 2017. godine br. HM 13/11/18 od dana 25.11.2018. g.
- Izvještaj o realizaciji sredstava iz 2020. godine br. HM 03/03/21 od dana 15.03.2021. g.
- Izvještaj o realizaciji sredstava iz 2021. godine br. HM 17/12/21 od dana 03.12.2021. g.
- Dopis Službe za lokalno poslovanje Grada Sarajeva br. 07-11-7129-1/21 od 13.01.2022. godine

Obzirom na navedeno, tužitelj je tuženom dana 22.08.2022. godine uputio opomenu sa zahtjevom za povrat neamjenski utrošenih sredstava u iznosu od 20.000,00 KM, te tuženi koji je uredno obaviješten o predmetnoj pošiljci, istu nije podigao.

Također, tužitelj je tuženom dana 06.09.2022. godine uputio obavijest o raskidu ugovora, na koji je tuženi odgovorio dana 23.09.2022. godine. U predmetnom odgovoru tuženi navodi da na njegovoj strani ne postoji odgovornost kada su u pitanju predmetni ugovori, te da su ugovori sa njegove strane izvršeni, stoga ne postoji niti obaveza tuženog na povrat novčanih sredstava.

DOKAZ: - Opomena pred tužbu br. 01.08-Pr-52/22 od 22.08.2022. godine sa povratnicom
- Obavijest pošte – pečat na koverti od dana 30.08.2022. godine
- Obavijest o raskidu ugovora br. 01-08-Pr-52-1/22 od 06.09.2022. godine sa povratnicom
- Odgovor na poziv/obavijest Medicinska asocijacija BIMA od 23.09.2022. godine

Iz svega navedenog je nesporno da odobrena sredstva iz budžeta Grada Sarajeva, a koja su odobrena isključivo sa namjenom apliciranja prema međunarodnom fondu za zdravlje, tuženi nije namjenski utrošio, dok se po pozivu tužitelja za povrat isplaćenih sredstava izjasnio da ne postoji njegova obaveza na isto, te Pravobranilaštvo u skladu sa obavezom pravne zaštite imovine i imovinskih interesa Grada Sarajeva, je primorano pokrenuti ovaj parnični postupak.

Konačno, tužitelj predlaže da sud po provedenom postupku donese slijedeću

P R E S U D U

1. Utvrđuje je da su Ugovori, i to:

- Ugovor o realizaciji odobrenih sredstava iz Budžeta Grada Sarajeva za 2017. godinu br. 01-14-5302-1/17 od 24.10.2017. godine
- Ugovor o realizaciji odobrenih sredstava iz Budžeta Grada Sarajeva za 2020. godinu br. 01/04-11-6808-2/20 od 31.12.2020. godine
- Ugovor o realizaciji odobrenih sredstava iz Budžeta Grada Sarajeva za 2021. godinu br. 01/13-11-1370-2/21 od 22.03.2021. godine, raskinuti sa danom 06.09.2022. godine.

2. Tuženi se obavezuje da tužitelju isplati iznos od 30.000,00 KM sa zakonskom zateznom kamatom od dana podnošenja tužbe do isplate, u roku od 30 dana pod prijetnjom izvršenja, uz naknadu troškova parničnog postupka.

U slučaju ispunjenja uslova propisanih odredbama člana 182. Zakona o parničnom postupku F BiH, tužitelj predlaže donošenje presude zbog propuštanja.

GRAD SARAJEVO

POPIS TROŠKOVA

Sastav tužbe 720,00 KM

Admir Jusufbegović, pravobranilac

OPCINSKI SUD U SARAJEVU
Broj predmeta: 65 0 Ps 991712 22 Ps
04.10.2022, Sarajevo

Potvrda prijema dokumenta

Vrsta dokumenta	Tužba Ps-predmet
Podnosilac dokumenta	GRAD SARAJEVO, KOGA ZASTUPA ZAKONSKI ZASTUPNIK PRAVOBRANILAŠTVO GRADA SARAJEVA
Datum i vrijeme prijema	04.10.2022 11:09:32
Datum i vrijeme pošte	
ID dokumenta	65-21009051
Vanjski broj	
Broj primjeraka	2
Vrsta prijema dokumenta	DIREKTNO
Glavne stranke	GRAD SARAJEVO, KOGA ZASTUPA ZAKONSKI ZASTUPNIK PRAVOBRANILAŠTVO GRADA SARAJEVA UDRUŽENJE GRAĐANA MEDICINSKA ASOCIJACIJA BIMA U BOSNI I HERCEGOVINI
Predmet zadužio(la)	EDINA BUČAN
Radi	PS2 : Isplata potraživanja, Osnovi za privredne sporo ve
Vrijednost spora	30.000,00 KM

PRIKAZ TROŠKOVA ZA PARNIČNE I PRIVR SPOROVE

Izrada tužbe:

- Ako advokat pripada adv. komori FBiH: 720 K
- Ako advokat pripada Adv. komori RS: 600 KM

Taksa na tužbu: od 900 KM do 1000 KM

Pripremno ročište:

- Ako advokat pripada adv. komori FBiH: 720 K
- Ako advokat pripada Adv. komori RS: 600 KM

Glavna rasprava:

- Ako advokat pripada adv. komori FBiH: 720 K
 - Ako advokat pripada Adv. komori RS: 600 KM
- Taksa na odluku: od 100 KM do 900 KM

NAPOMENE:

- Procjena troškova ne predstavlja stvarni iznos troškova postupka, informativnog je karaktera i nije obaveza sud ili stranku.

Svoj spor možete riješiti brže i ekonomičnije sk
sudske nagodbe. Za sve informacije obratite se ov

- Detaljnija informacija o troškovima dostupna je
<https://pravosudje.ba/vstvfo/B/10001/calculators/>

Primio(la)
SELMA IBRELJIĆ